

Ionna mac tiratna timbiŋ rapar

Outna kam

Ionna ma ndo ŋgoinna, gan timbiŋ rapara tirra Iesusna ritipaikta meikramtairta tumbunna ramoot paŋanna neaŋga taŋrina. Na mana ia Gaius. Na ma Gaiusna imo aŋgi ŋgeprina, na anna ma kabena Iesusna riŋpacrena laiplacarmo otacrenan tik. Na ma Gaiusmo ramoot ianna moca matau watna mbopatna, na an ramootna ia Diotrepes. Na ma ramoot ŋgoreac, ma ndomo anna Iesusna ritipaikta meikramtairta tumbunna ramoot paŋan ndaruna morena.

Raraŋ Aetaniacna aiŋa morena ramtairmo,
aia mimo opotaca moraŋ

¹ Aku Iesusna ritipaikta meikramtairta tumbunna ŋginaŋa morena ramoot paŋan. Na gan timbiŋ rapara aku umo tiratnanna, Gaius anna unan, u aukna kaka ŋgoin, aku aindopnande, gidik ŋgoin aku umo mamatŋi ŋgoin.

² Na u aukna aikndamoot ŋgoin, aku Raraŋ Aetaniacmo mbendeica, an una morena reikmo, ma moi wandoik laiŋ tarunande. Na aku lamŋirena, ŋeroŋ Ratta una tiŋara mo te, u laŋ ndeacnande. ³ Na ŋgaua Iesusna riŋpacrena laiplacar ndeida kipa aukmo watca, mina aukmo aindopatna, u kam gidikca raŋgarena, na aku an kam mbaraca toŋtoŋ ŋgoin. Na aku lamŋirena memetmbaca u kam gidikca raŋgarena ramoot. ⁴ Na aku waracrenanna, aukna mombonik toco kam gidikca raŋgareke, na aku toŋtoŋ aniac ŋgoin, na an toŋtoŋgara aukna toŋtoŋ ndeidmo kundrina.

1:1 Up 19.29, na Ro 16.23, na 1 Ko 1.14, na 2 Io 1.1 1:3 2 Io 1.4 1:4 1 Ko 4.15, na Pm 1.10

Aiŋ laŋa Gaiusa anna morina

⁵ Na aukna aikndamoot ŋgoiŋ, u matau ŋgoiŋna kam gidikna tɪpna kirara ranŋairena. Na Iesusa riŋpacrena laiplacarmo, u opotaca moatna. Na an tɪp kirarna iro kabea, u ndo ndamŋi ŋgocorta meikramtairmo, u aında morina. ⁶ Ri, laiplacar ndeida aindoprina, u gan Iesusna ritɪpaikta meikramtairta tumbunmo, u aında morena, u ndona mamatŋjina tɪp kirarmo, u minmo neaŋrena. Na mina taup mac taŋna mo te, u minmo otaca mina ndori aŋŋiri taŋna morena reikca un ndambuŋa tikca aŋŋia taŋrina reiki, u mimo otaca mina taŋna, na an kirara Raraŋ Aetaniaca toŋgorina min mbuŋ. ⁷ Na mina Iesusna aiŋa mona ndamŋica, mina taŋga an aiŋa mori, na mina riŋpac ŋgocortanmo ndori kotacnake, mba digirenanna. ⁸ Na aia ainta ramtairmo otac te, an tɪpna kirarira, aia Raraŋ Aetaniacna kam gidikna aiŋa moa gagrarena.

Diotrepesa tɪp ŋgoreaca morina

⁹ Na aku Iesusna ritɪpaikta meikramtairta tumbunna moca kam ndeidmo timbiŋ rapara tirca neaŋga kiŋprina. Na Diotrepes, ma ndomo mina paŋan ndaruna moca moreke, ma aina kamma waracraŋ ŋgocor. ¹⁰ Aintik aku nen ndambuŋ nakɪp te, aku nemo man morina tɪp kirarna kam ndopnande, na ma aimo kabena kam ŋgoreacna kamb ndeidap mboprina. Na ma mba an tɪpna kirara ai niŋŋikca mba mori, wanaiŋ, ma Iesusa riŋpacrena laiplacarmo, ndona kaca mba aŋŋia taŋrenanna, na kabena ramootta mimo ndorita kac naaŋŋi taŋna mo te, ma minmo wandik tiknande, na ma mimo Iesusna ritɪpaikta meikramtairta tumbunna inik ndeteaca ma mba toŋgorenanna.

Demitiriusa tɪp laŋa morina

¹¹ Na aukna aikndamoot ngoin, u tìpemb ngorikca kai ranjai teac, kari ngoin ndacari. U tìpemb kirarir laiŋ tiŋgikca ranġairaj. Na ramootta tìpemb kirarir laiŋ tiŋgikca morena ramoot, ma Raraŋ Aetaniacna ramoot. Na ramootta tìpemb ngorikca morena ramoot, ma Raraŋ Aetaniacmo mba watri.

¹² Na meikramtaira muruġa Demitiriusna tìpemb kirarir laiŋta kam ndoprenan. Na Raraŋ Aetaniacna kam gidik toco, ma Demitiriusna tìpemb kirarir laiŋta kambmo ma an ndoprina. Na auk toco mana tìpemb kirarir laiŋta kirarca mboprena, na ne lamġirena, aukna kambca anna gidik.

Ionna Gaiusa watna moca

¹³ Na aku unmo kambca timbiŋ rapar mbuġa tirca, umo neaŋ kípna min, na aku ndo an kambca timbiŋ rapar mbuġa tikca neaŋ kikípa, aında tongo ngocor. ¹⁴ Na aku tongorenanna, kídrik rocotta mba eacitndai, te, aku kíp laruca, unap aŋġa ndoniŋ ndopnande.

¹⁵ Na una iro inikca ma wetwet laŋ ndeacnande. Na una aikora umo ra laŋ neaŋrina, na u aukna aikormo mbop, aku minmo ra laŋ neaŋrina.

1:11 Iġap 37.27, na Ais 1.16-17, na 1 Pi 3.11, na 1 Io 3.6-10 1:12 In 19.35,
na 21.24, na 1 Ti 3.7 1:13 2 Io 1.12

Rararj Aetaniacna Kam Wembarj Larj
New Testament in Mborena Kam language
Nupela Testamen long tokples Mborena Kam long Niugini

Copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 19 Jul 2019 from source files dated 14 Dec 2018

8e1073ed-d2dc-5f3a-bb48-5406185123a7